

續修廬州府志卷十一

花翎道銜江南安徽廬州府知府清泉 黃雲總修

古蹟志

郡國志例古城附書以關沿革別人方輿此外名蹟依次存諸傳聞或異考核敢疏

古慎城太平寰宇記慎縣因古慎城爲名古慎城在縣西北四十一里乃楚白公之邑也按春秋哀公十六年吳人伐慎白公敗之卽此城路史國名紀吳伐慎白公敗之今廬之屬縣西北四十一里有故慎城慎水舊志按水經潁水至慎縣東南入於淮注云故楚邑白公居則在潁上縣非此慎也此慎乃宋齊以後僑立之縣寰

續修廬州府志

卷十一

古蹟志

一

宇記路史俱誤

白公城天下名勝志合肥有白公城左傳哀公十六年吳人伐慎白公敗之於此有白公城及池存舊志按合肥之慎乃南朝僑置之縣左傳吳人伐慎白公敗之在今潁上縣與合肥無與不得有白公城也

潛城左傳昭公二十七年春吳公子燭庸帥師圍潛杜注楚邑在廬江六縣西南太平寰宇記古潛城在廬江縣南二里左傳昭公二十七年吳子欲因楚喪伐之吳公子燭庸帥師圍潛注云潛楚邑在廬江六縣西卽此城方輿勝覽潛城在廬江縣南六里左傳云云同寰宇記舊志按杜注廬江郡六縣西南正今霍山縣地楚之

潯邑漢之潯縣俱在此若廬江潯城則魏書地形志廬江郡潯縣是也其舊城所在今不可考

今按霍山舊係廬州府屬故康熙張志尙編入廬志中也其有史書廬江潯人而舊在廬志中者亦同此

例嘉慶志

橐皋春秋哀公十二年夏五月公會吳於橐皋杜注橐皋在淮南邊適縣東南漢書地理志橐皋注孟康曰音拓姑今俗以拓爲柘以皋從木音方輿勝覽拓皋在巢卽春秋哀公十二年會吳於橐皋是也紹興十一年兀朮入寇劉錡敗之於拓皋橐皋城其地有孔子臺相傳孔子南遊至橐皋與弟子憇臺而返臺狀圓壇可容千人近臺有聽

續修廬州府志

卷十一

古蹟志

二

書港云是當時弟子事其水爲橐皋河

梁王城輿地紀勝梁王城在梁縣東六十里

魯王城輿地紀勝魯王城在梁縣東七十里

護城

明王守仁過護城詩古道當長坂肩輿入暮天蒼茫聞驛鼓冷落見炊烟凍爛寒無燄泥爐濕未然正思江檻外閒卻釣魚船

高陽城天下名勝志高陽城在舒城縣西南二十里相

傳高陽氏封其子於夢舒之間卽皋陶庭堅也舊志按

夢舒江南通志作舒蓼

鵲岸左傳昭公五年冬十月楚子以諸侯及東夷伐吳

吳人敗諸鵲岸杜注廬江舒縣有鵲尾渚輿地紀勝鵲

岸在舒城縣西北西京記鵲岸今居巢江南水有鵲尾
渚者是也舊志按鵲尾渚屢見南北史要屬濱江之地
當在無爲境內輿地紀勝以爲在今舒城縣未確

羹頡城輿地紀勝膾炙在舒城縣卽漢羹頡侯所築
有羹頡侯廟劉邠爲之記甚詳謂之漢舒王廟

今按古舒王廟漢文帝封淮南厲王之子賜爲廬江

王居舒王有遺愛立廟祀之則羹頡廟疑非羹頡侯

天下名勝志羹頡侯城在縣西北三十里嘉慶志

亞夫城康熙志舒城縣亞夫城俗傳爲周亞夫築或亞

父范增未可定又據一統志在縣東南十五里相傳周

亞夫嘗領兵至此有東西二城基尙存

續修廬州府志

卷十一

古蹟志

三

周瑜城輿地紀勝周瑜城在舒城縣西十八里天下名

勝志花家城在舒城縣西七里謂之竹市又十里爲周

瑜城引縣志云今爲淨梵寺種藝者往往得箭鏃金鏡

之器或云卽牧馬市處明隆慶志去縣西十八里吳周

瑜從孫權舉義兵討董卓徙家於舒因築此城

明胡守恒登周瑜城懷古詩登城見古寺憑弔幾英雄

兩漢餘王業三分定霸功雪平戰士壘花壓美人宮欲

問當年事長天沒去鴻

明倪域詩土墻傾壞短樓平云是周郎此築城不見人

提三尺劍空聞屯聚八千兵雨餘草色迷狐跡月落山

市

花家城輿地紀勝花家城在舒城縣西七里謂之竹子

版城輿地紀勝版城在舒城縣東二十里

鐵城輿地紀勝鐵城在舒城縣西十八里

茆城天下名勝志茆城在舒城縣東南相傳魏帝築城時以茆掩之詐疑敵兵故曰茆城明隆慶志去舒城縣東南二十里世傳曹操屯兵於此築之

羊舌城天下名勝志羊舌城在舒城縣北十里明隆慶

志在舒城縣西十五里江南通志羊舌城一名陽石

元朱子範宿羊舌城詩舒蓼皆侯國春秋用甲兵晚炊投野店日落帶荒城古渡漁燈滅陰房鬼火明愁來不成寐歌枕待鷄鳴

繆家城江南通志在舒城縣西十五里

霍湖城明隆慶志去舒城縣一十里土人築以避兵舊

志按江南通志在舒城南五里

圍箕城明隆慶志在舒城縣西十里江南通志花家城圍箕城羊舌城繆家城俱南北朝及南宋初戍守之所大城天下名勝志大城在廬江縣西南三十里曹氏拒吳所築舊志按廬江縣西南大城或謂卽故舒縣址三國時廬江巢縣及無爲州皆爲吳所據魏不應得於此築城也

慕容城天下名勝志慕容城在廬江縣東二十里世傳慕容垂屯兵於此

居巢故城一統志在巢縣東北五里康熙志今臺址猶存高丈餘邑人張氏據以爲冢下有聽書港洗硯池回

車衙兩山夾峙中通一線相傳孔子回車處

李鵲城舊志按水經注白石山水發白石山西逕李鵲城南西流注柵水故城當在無為境內

黃金城州志古黃金城在州治北十五里今季家閘皆其遺址

築王城天下名勝志巢縣引輿地志云卧牛山背有築王城江南通志今為紫薇觀

黃沙城天下名勝志引城冢記云黃沙城在巢縣小隴山下俗名龜頭城以山形如龜頭故名按在縣西南五

十里俯瞰湖濱地穴郭儀恭廣志地穴在居巢入數十里道險懸渡乃

續修廬州府志

卷十一

古蹟志

五

過既入得平地數百里其中人民無異

同食館輿地紀勝合肥有同食館唐韓愈為平陽路君作記天下名勝志南城之上有同食館明隆慶志唐刺

路應求建陳鴻韓愈俱有記

唐陳鴻同食館記合肥郡城南門東上曰同食館梁柱朽蠹軒戶欹傾斷柝委階落棟析風雨雪霜賓不可宿太守陽平路君刺郡之明年冬十月歲向熟民且閒陶瓦於原伐木於山磨舊礎築新甍迺豐實堂迺我前軒怒福蚪蚪層櫺牙牙中回洞深高檐騰掀階間容楫讓楹開容賓盤梓間容樂工屏開容將吏左右為寢室更衣之所朱戶素壁潔而不華東西廂複廊直榭又西開下閣作甕舍廡屋宏大中泮作南門容旌旆駟馬北上作丁字亭亭北列朱楹面城墉其下淤溝開導通水因古岸植竹樹為風月宴遊地東南自會稽朱方宣城楊州西達蔡汝陸行抵京師江淮牧守三臺郎吏出入多遊郡道是館成大賓小賓皆有次舍開元中江淮間人走嶠函合肥壽春為中路大厯未蔡人為賊是道中廢元和中蔡州平二京路復出於廬西江自白沙瓜步

至於大梁斗門堰隸鹽鐵稅緝諸侯權利駢指於河故
衣冠商旅率皆直蔡會洛道路不第賓至授館亦諸侯
之事路君以家行文學知於朋友以端方沈默官御史
府以詳明典故為尚書郎以通政術為合肥郡太守
賈平訛心風俗丕變民知敬道吏不敢欺先年郡米數
萬石輸揚州軸轡相繼出巢湖入大江歲為風波沉溺
者半迺於湖東北岸橐皋里作廩三十九間州東兩
邑人米輸於此由申港出新婦江至白沙人不勞水無
害復他邑館舍次於同食無私利人人皆樂成昔左血
明傳經因事書事鴻因蔡州道及諸侯之稅因同食館
及路君之政亦春秋之旨傳曰自廬以往振廩同食
太和三年太歲巳酉正月壬午朔二十日辛丑記

通志按路應為路嗣恭之子韓愈曾為之作神道碑新
書附其傳於其父嗣恭後但名應舊志作應求韓亦未
有同食館記也

子胥臺康熙志在梓潼觀西亦稱伍相公臺今為觀

教弩臺方輿勝覽教弩臺在懷德坊明教寺舊經云昔

魏武帝築臺教彊弩五百人以禦孫權權擢船唐大厯間

因得鐵佛高一丈八尺刺史裴絹奏請為寺輿地紀勝

教弩臺在左廂明教寺即魏武帝教弩臺舊注云魏武

所築教強弩五百人禦孫權船江南通志在府城東門

內九獅橋北康熙志向多松陰

唐吳資詩曹公教弩臺今為比丘寺東門小河橋曾飛

吳主騎

明遠臺方輿勝覽明遠臺在梁縣城內西南隅四環皆

水中有一洲故老相傳鮑明遠讀書於此

輿地紀勝畧同

江南

通志在府東北七十里梁縣鄉

俊逸亭輿地紀勝俊逸亭在梁縣西南隅康熙志明遠

臺宋張持正即其地建俊逸亭

葵廳輿地紀勝葵廳卽郡之小廳也舊名葵廳康熙志
宋郭少保振建三至堂在其西

懸魚堂天下名勝志晉羊續爲廬江太守有饋生魚者
意難卻之乃曝乾懸於壁上他日饋復出所懸魚以示
之思而退後因建懸魚堂在治內

景賢亭天下名勝志府治景賢亭國朝宏治十二年建
因於馬亮故宅得晏殊等餞歸詩賦甃於亭前其後刻
包拯戒廉詩按馬包皆合肥人俱爲廬州太守俗呼馬
狀元包龍圖

宋包拯書郡齋壁上詩清心爲治本直道是身謀秀幹
終成棟精鋼不作鈎倉充鼠雀喜草盡兔狐愁史册有
遺訓無貽來者羞

續修廬州府志 卷十一 古蹟志

安邊堂方輿勝覽安邊堂在州治輿地紀勝在設廳之
後

衣錦亭方輿勝覽衣錦亭在州志天禧中馬忠肅公歸
守鄉郡創此亭因名輿地紀勝衣錦亭在郡圃東有記
天禧五年通判張君房文也

宋郭詳正詩衣錦平時樂藏舟舊日愁蜀山斜照盡歸
興尚遲留

日益齋輿地紀勝日益齋在雅歌堂後
春風亭輿地紀勝春風亭在金斗門外

宋戴復古廬州帥李仲詩春風亭會飲得塵字詩玉關
人老鬢絲新千里長城在一身氣使黃金結豪傑手揮
白羽靜風塵山河四望亭中景桃李一開天
下春向日滿城騎戰馬而今四野盡耕民
問柳亭輿地紀勝問柳亭在春風亭之南

見山亭輿地紀勝見山亭在春風亭之東

寒碧亭輿地紀勝寒碧亭在春風亭之西

雲月亭輿地紀勝雲月亭在澄慧寺下臨藏舟浦

中和堂輿地紀勝中和堂在廳後

凝香堂輿地紀勝凝香堂在中和堂後

雙瑞堂輿地紀勝雙瑞堂在州治凝香堂之後

簡靜堂輿地紀勝簡靜堂在合肥縣治

爛錦亭輿地紀勝爛錦亭在郡圃

懷謝亭輿地紀勝懷謝亭在郡圃

五鳳樓輿地紀勝五鳳樓在城上昔天祐中張崇築城

創樓鳳集其上因紀此瑞後人作五鳳樓賦明隆慶志

續修廬州府志

卷十一

古蹟志

在東城上

風鶴亭輿地紀勝風鶴樓在鎮西樓西

鎮西樓輿地紀勝鎮西樓在郡治後斗梁城上天下名

勝志斗梁城上有鎮西樓樓西有風鶴亭亭有碑韓无

咎記文記見形勝

鎮淮樓天下名勝志鎮淮樓在合肥縣治東郭少保改

為譙樓在鎮橋南即市橋也江南通志在府治明郡守

龍誥重建有銅壺以核時刻康熙四年郡守王業興修

乾隆十七年郡守趙瓚重修

明張瀚夏日鎮淮樓登眺和巡臺沂東劉公詩仲夏景氣佳凭虛一延聯飛閣巨中天幽遐紛無際蜀嶠西為墟南巢旋溶瀟崇岡出斗躔淮淝浩東逝川原界吳楚聲教雜荆衛峻磔何逶迤井邑烟火駭駢闐參四國

較互飄繫沃土本宜稼雲疇靡留藝巍巍南北雄控扼
天下勢緬茲致弩蹤臺荒荒宮麗散散兵亦有灣千秋愴
興替豸史勤省方青驄此淹憇解愠報遠風開心暢朝
霽誠知忝虎符適用渺塵世

明沈明臣詩魏棚吳城幾劫灰高樓日暮且徘徊藏舟
浦斷寒潮落教弩臺荒野寺開六國天霜凋露草九江
秋色老宮槐淮南重鎮惟金斗白屋蕭

條誰為哀明臣字嘉則隆萬間布衣
明顧璘鎮淮樓詩天半高樓誰構成畫闌朱棟倚虛明
江湖一片當窻瀉雲霧千重對酒生獨立淮淝雄舊國

下聽絃誦藹新聲夜深燈火
隨星散不盡風流地主情
明黃道日鎮淮樓晚眺詩臺臨河勢曲樓敞夕陽偏騁
望推空闊傷心屬變遷雨消青野岸風斷綠楊烟為惜

湖山迥長
歌思悄然
郡守張祥雲詩襟帶江湖古合州巍峩重鎮此高樓半
空星斗窻前落萬井炊烟檻外浮清漏滴殘檐溜雨疏

鐘聲散郡城秋疆輿永奠
民安阜公暇登臨興正適

回龍橋明崇禎志在德勝門內相傳曹操與孫權相持

續修廬州府志 卷十一 古蹟志 九

於此回節故云

草堂輿地紀勝草堂在合肥縣治

櫻桃園輿地紀勝櫻桃園在藏舟浦側

萬柳亭輿地紀勝萬柳亭在西園

曲水亭輿地紀勝曲水亭在澄慧寺之西

雅歌堂輿地紀勝雅歌堂在道院北

綠野亭輿地紀勝綠野亭在梁縣

雙杏堂輿地紀勝雙杏堂在梁縣治

義門臺明隆慶志在府城西十八里唐萬敬儒二世同

居親亡廬墓大中年旌表其門後人因名臺今廢舊志

按康熙志作義明臺誤

節婦臺輿地紀勝節婦臺在合肥縣包公孝肅長子通判婦崔氏也通判卒生遺腹子尹京兆時又卒其母欲取以他適崔誓不復嫁泣告其姑曰婦既歸甯母必強留當死於尺組之下願以屍還包氏其後果歸公家終老焉後朝廷乃賜封號及表其行江南通志在府城內惠政橋東南

畫錦坊輿地紀勝畫錦坊馬忠肅公亮守鄉郡得名

九獅橋名勝志九獅橋在教弩臺南

飛騎橋方輿勝覽飛騎橋即今西津橋大觀間立碑輿

地紀勝飛騎橋大觀中皇甫麟記云孫權為張遼所襲

躍駿馬得免故以是名則西津橋碑之言誤矣天下名

續修廬州府志

卷十一

古蹟志

十

勝志飛騎橋在明教臺東一名逍遙橋其下為逍遙津

宋李育飛騎橋詩魏人野戰如鷹揚吳人水戰如龍驤氣吞魏王惟吳王建旗敢到新城旁霸王身當萬夫敵麾下倉皇無羽翼途窮事變接短兵生死之間不容息馬奔津橋橋半撤洶洶有聲如地裂蛟怒橫飛秋水空鷗鷺徑度秋雲缺奮迅金羈汗需臆濟主艱難天借力艱難始是報恩時平日主君須愛惜

鳳凰橋天下名勝志鳳凰橋在合肥縣鎮淮樓西巷

西巖書堂康熙志在合肥巢湖西岸宋安淮有記

馬忠肅公故宅江南通志在府城和平橋東明改為下

察院

香花墩康熙志在合肥縣南城外壕水中孝肅包公讀

書處今為公祠蒲葦數重魚鳧上下長橋徑度竹樹陰

翳舊有軒名回瀾遊人至此作濠濮閒想舊志按包公

故宅在城南鎮淮樓西鳳凰橋巷有讀書臺演說
人呼為香花墩明宏治間宋太守鑑改城南堯宇為包
公書院命公二十四世孫大章讀書其中對岸則公之
後裔家焉嘉靖己亥御史楊瞻按廬修葺書院為建家
廟而香花墩之名遂移於城外

郡守張祥雲香花墩謁包孝肅公祠詩香花墩上拜祠
堂蒲葦蕭疏水一方遺澤長綿臧氏後清風舊仰鄭公

鄉碑敬古壁滋陰蘇艇繫回瀾釣夕陽
鏤版重新章奏稿千秋俎豆其輝煌
許肇封謁包孝肅祠詩肅拜崇祠下惟公閒世英臣非
邀福者人自比河清奏議畱今古鬚眉見性情池臺風
雨夕彷彿

讀書聲
錢陳羣題包孝肅畫像古郡城南路清風包老祠神明
畱棗牘井里祀威儀慶歷多君子斯人亦我師重來仍
使節下馬
薦芳菲

續修廬州府志

卷十一

古蹟志

七

陸繼輅香花墩謁包孝肅祠詩雜花淺草城南路名宦

鄉賢共一祠公嘗由揚州遷領鄉郡赤棒威名京
尹重烏臺逸事野人知此墩介甫無爭意遺像方平有
去思祠中藏公畫像我是五湖煙水客釣竿可許

試春池祠前有池產
鯽尤美非包姓不得漁
香花墩包廟聯額舊多膾炙人口者近惟知府馮志沂

聯云我後千年觀祠宇高寒敢忘山仰公應一笑看淮
流底定便是河清癸未歲重修祠宇湖督李瀚章題聯

云生即稱神父母國尚有子孫存廟貌溪光曠百世依
然相感老非微福社稷臣宜為宗祏計忠肝亮節問九

京誰與同歸大學士李鴻章題聯云一笑河清鄉國舊
聞倚諫筆千秋墩在
歲時薄醪薦香花

余忠宣公故宅康熙志即今合肥縣治洪武中恩桂坊
尚存元統癸酉科題額也

青陽山房天下名勝志在合肥東南六十里近巢湖元
郡人余闕躬耕養親即田舍置經史釋耒卻讀至順癸

丑及第以浙東僉憲守安慶至正癸巳陳友諒攻破城力戰不敵自剄死諡忠宣

元程文青陽山房記青陽山房在今廬州東南六十里巢湖之山因山以為名合肥余公讀書之處也余公未第躬耕山中以養其親即舍田置經史百家之書釋耒則御坐而讀之以求古聖賢之學是時未有青陽山房之名也及出仕不忘其初乃闢其屋之隘陋而加葺焉益儲書其中冀休官需次之暇以與里中子弟朋友講學於此始有青陽山房之名然而未有記也文客京師謁於翰林辱不鄙而與之論學因及青陽山房之事屬以記固辭不獲退而思之余公世家武威生長淮西武威之俗以馳馬試劍為雄淮西在宋時為極邊其民操干戈持弓矢習戰鬪賴國家承平偃武修文未百年間余公以儒自奮文章政事煥然為人所宗而名聲遂流聞於天下青陽山房以余公而得命名不然一田舍爾故地不自勝因人而勝人不自賢以學而賢甚矣人之不可以不學也余公之有是山房也非以自私也欲與學者讀書於此里之子弟被余公之教皆曰青陽山房多書吾其游焉讀書而有成郡邑之人慕余公之義又將曰青陽山房多書學之者眾吾其游焉讀書而有成四

續修廬州府志

卷十一

古蹟志

三

方之士聞余公之風莫不曰青陽山房多書學之者皆有成吾其游焉後來繼今聞風而興起者又若是將見賢才濟濟出為邦家之光青陽山房傳之不朽矣豈不盛哉此記之所為作也若夫湖山之勝深者涵雲天高者薄霄漢蛟龍之所為蟠虎豹之所躡怒而為風喜而為雨聲色動植之物陰晴明晦之變古人之所爭今人之所賞遺墟奧壤可喜可愕則又青陽山房之奇觀也當有明公顯人妙能文辭者遊而賦之記不備錄余公名闕字廷心至順癸丑進士及第初命泗州同知擢翰林應舉遷刑部主事復入翰林為修撰拜監察御史轉禮部員外郎出為湖廣行省郎中徵入集賢為經歷尋改翰林待制今為浙東廉訪云至正十年七月記

花園康熙志在府城南二十里元至正間宣讓王游賞之處故址尚存

環翠山房康熙志在合肥湖右永樂港之源元葛徵君

聞孫隱居講學之所

思惠樓康熙志在府城隍廟後水上明正德間知府徐

鈺建登樓環望烟水萬家卽思惠及於民故以名焉
威遠亭康熙志在府西城上明末寇至時知縣熊文舉
守城駐此作亭今發

別虞橋天下名勝志別虞橋在合肥城東六十里相傳
爲項王別虞姬處俗名鮪魚橋江南通志嗟虞墩在府
東北八十里世傳項羽於此別虞姬

藏舟浦太平寰宇記合肥縣藏舟浦卽曹操與孫權藏
艦於此唐貞觀十年刺史杜公作斗門與肥水相接浦
內有島嶼花竹頗爲佳境方輿勝覽在金斗門外廣十
丈袤八十丈昔張遼所鑿藏戰艦以拒吳輿地紀勝劉
貢父遊後浦新詠有從劉園至澄心寺卽此浦也又金

續修廬州府志

卷十一

古蹟志

三

山灘在藏舟島李會詩云金沙灘上雙鷗鷓肯爲分司

御史來

箏笛浦太平寰宇記箏笛浦續搜神記云浦中昔有大
船覆水內漁人宿傍聞箏笛之聲及香氣氤氳是曹操
戴妓船覆於此輿地紀勝在古城內后土廟側

李天馥箏笛浦詩漁唱朱灣歌胡來絲竹音循音事窮
探乃在滄浚心悽悽婉以幽寄怨一何深曾聞魏諸姬
膠舟南浦陰豔質付清波水大雨霖霖不能變猿鶴蟲
沙紛浮沈我欲燃犀照愁見遺釵簪北望銅雀妓先後
同哀吟

二石牛方輿勝覽土地堂前有二石牛父老相傳初濬
治肥河得之土中形製甚精對峙爲角抵觸狀復壘一
牧童橫笛跨其上明隆慶志今不存

樂賜亭 繼樂亭明郡守孟玘林瀚先後建

宜園

張純修宜園記廬州古合肥地星分臺斗襟淮帶江從古取天下者所必爭之區也即使有名勝之跡園亭臺榭之美亦滅沒於荒烟蔓草之中欲求於僻壤小邑山陬水澨之獲全也蓋什不得一矣康熙癸酉冬余來守郡聞有宜園者在東來山下淝水九繞蜀山對峙結構點染甲於廬陽欲往觀焉為簿牘所羈未果甲戌之春相國李公方廬居因策騎往謁時相國白衣冠攀枝執條朝夕作孺子泣余亟請歸第不允乃遍行茲園相國為余言此先封翁手創兵火之後重新之以當墓田丙舍者也徘徊憑眺見相國能成先人之志不勝歎美夏月再往時月臺後新軒落成適有白燕雙翔信宿而去因名曰白燕廬遠近皆相傳為篤孝所感秋月又往至是請歸第者三矣俱不允畱園中竟日季冬之月上庶連袂告余曰相公廬墓已二年寢處冰雪孝則孝矣如蒼生何余率以進言於相公既善其身即推此孝思兼善天下可乎相國唯唯余退語諸僚屬暨郡邑之耆民秀士曰相公至性不可移且毋為此喋喋昔歐陽文忠為大丞相魏國公作畫錦堂記謂非一家一郡之榮而

續修廬州府志

卷十一

古蹟志

西

喜為天下告也今相國身佐太平俾桑梓共享恬嬉茲園亦永保其勝且宏錫類之義以厚民俗守土者竊甚幸焉余雖遠遜文忠有不樂為此邦鋪張而揚斠者歟因寫宜園圖並書其顛末云

砥柱樓縣志在時雍門外三里與文昌閣夾水為鎮四牌樓舊名魁樓合肥縣志在鎮淮樓南先坦乾隆二十四年知府王成重建嘉慶八年知縣左輔重修咸豐年間燬於賊光緒七年直隸大順廣道劉盛藻提督劉盛休捐款重建知府王成黃雲並有碑記

知府王成記建樓設像以祠奎宿郡縣多有往往在巽宮左近余不知其所自始按孝經援神契奎主文昌註云奎星屈曲相鉤似文章之點畫因以奎宿為文星余嘗疑之考天文志奎宿列西方一名天豕為天之武庫主兵象似與文章無取而史記天官書北斗第一星至第四星為魁其下載奎六星曰文星第五曰司祿為人間科名爵祿之主然則名宜從魁藉以滿溢文明匡贊景運載諸祀典禮亦宜之而儼然列之學宮似詩書禮

樂之教至聖無為而富貴利達之權利名有主輕重失
 倫不加考訂蓋相沿久矣余莅廬陽之次年周度形勢
 至城東南隅四牌樓地屬與方為文明之象宜增高地
 勢以長筆峰詢諸耆老僉謂其地舊有魁樓廢墜雖久
 遺址尚傳乃偕合肥令廖衡守備萬指費修復並勸邑
 之士民商賈共為依助糜白金若干兩始自戊寅秋至
 已卯春脫工率諸僚屬凭欄徙倚西眺蜀峰晴嵐蒼翠
 東澗湖水衣帶潌澗北顧鎮淮樓旗鼓相對而其南樹
 林蔚鬱若香花草墩則包孝肅舊讀書堂在焉表忠祠
 則余忠宣新俎豆之處也中間闔閭泰錯烟火萬家魚
 鱗馮次瞭若指掌余顧紳士形勝具矣文運庶可興起
 平惟廬陽為人文淵藪代有間人餘韻流風掩映江左
 迄於今音徽漸替科目寥寥豈士風之不古與或亦形
 勝之不備使然也余自治廬以來與諸紳士修舉廢墜
 聿觀厥成向者庠序荒蕪今則郡縣兩庠丹楹刻楹矣
 向者池隄乾涸今則建閘濬水利汲通舟矣以及城樓
 街道古廟崇祠無不煥然改觀地靈則人文傑水渙則風
 行從此科名鵲起接踵前賢金斗之人文與北斗之天
 文兩相焜耀魁樓之例在所係豈淺鮮哉而余獨有愜心者
 習見夫魁樓之例在學宮竊以為祀非其所而茲獨不
 在郡縣兩庠之間用以妥神靈而襄文運位置得宜於
 祀典尤為允協也遂援筆而為之記若夫鳩工董率合

肥令廖君不辭其瘁諸紳士又能協力一心以襄其成

於例皆可書並籍其名於碑陰云

知府黃雲重建奎星閣碑記竊以聚比珠聯廿八宿西

方炳耀匡同魁戴十六星東壁分輝瞻彼高穹營茲傑

構傍費宮而擬造合郡縣而攸同恭逢 聖天子雅

化作人觀象立制斯飛斯革峩然翼然猗歟休哉海內

共之誠盛軌也廬州濱江介淮吳頭楚尾其在天文分

躔斗野故城以金斗名焉四達之衝如岡如阜一閣之

建有廢有興謹按孝經援神契曰奎主文昌春秋合誠

圖曰奎主武庫惟其兼司文武于焉蔚起人材值中原

擾攘之時正肥上奮典之日位隆調鼎榮尚折圭冠蓋

相望節旄載秉為經為緯云達云通固已上應天星交

稱人瑞也已獨是咸豐年間閭閻燬於賊自時 簡命移守

未修光緒四年雲權彖姑孰其冬欽承 簡命移守

是邦下車之初巡歷塵市垣頹礎斷蒿目芥胸奮筆弗
 遑遷延既久孰則取懷而予思為集腋之求乃致書直
 隸大順廣道劉盛藻具述所云承與介弟記名提督盛
 休欽以千金俾圖修復予感其誠遂選城中紳士四品
 銜翰林院典簿王尚辰甯國府沈用熙東流縣訓導
 梁建勳候選訓導張清沂舉人沈瀛貢生周濟霖從
 九品王尚煊等於是七年營室人龍彥瀛貢生周濟霖從
 春仲成而落之民不遷改工不告勞即故陞以引繩仿

成規而置堦參差百尺仰止巍巍洞闢四門往來井井壯觀適當乎孔道崇基遠接乎麗譙爰循燠燎之儀敬貌魁杓之狀几筵告潔俎豆薦馨迺率寅僚恪共將事則見碧落天邊紫微垣後前此封豨震疊參旂耀大將之星於今文象離明香案萃玉皇之吏橐弓戢矢負耒橫經毓杞梓於蜀山擢菰蘆於施水靈颯仰邀乎真宰休嘉迭降乎星官豈獨庶民從好占驗風雨尤為多士呈祥昭回雲漢登斯閣也人間閭闔之區若有係焉天上圖書之府載抽柔翰用勒貞珉藉資福佑於膠庠聊佐新編於志乘云爾

舒王墩康熙志在舒城北四十里俗稱羹頡侯為舒王此其遺跡

文翁里輿地紀勝文翁莊在舒城西南文翁廬江舒人守蜀郡與文學康熙志在舒城縣南九十里相傳為文翁故居

梅子真隱處江南通志梅子真隱處在舒城縣西七十續修廬州府志

卷十一

古蹟志

六

里梅山漢梅福棄官隱此

摩旗墩康熙志在舒城縣南十五里傳為漢壽亭侯駐兵之處

小赤壁明崇禎志小赤壁在治南周瑜城南石壁臨河赤色燦然

明劉武詩折戟慨沈沙江風吹月白好載木蘭橈雪堂從二客

釣魚臺康熙志在舒縣東南八里石磯枕河為左真人垂釣處

又見廬江

明魏元卿左慈釣磯詩輕舟涼月詠滄浪碧樹危磯向夕陽為問仙人左元放藥曠丹竈可曾荒

鳳皇臺輿地紀勝鳳皇臺在舒城縣春秋山

仙人跡輿地紀勝仙人跡在舒城縣春秋山之嶺有巨

人足跡印其上

歸來宅天下名勝志歸來宅乃李公麟歸隱之所遺址傍城羣山四合古柏森然在縣治東城上上有清心亭下有放生池池即龍眠書院也元人揭傒斯曰李伯時龍眠莊故基在東禪寺東舒王祠西歲久湮沒於寺天歷中舒城令變理公復之以建書院合祀公及蘇文忠黃文節二公蓋嘗過從此地者以其面龍眠山仍名龍眠書院云

讀書堂洗硯池輿地紀勝洗硯池在舒城縣之春秋山李公麟讀書堂在其右公麟嘗滌硯池中因以為名

明顧琛洗墨池詩一泓碧水迥寒漪云是公麟洗墨池祇與居人共筆硯肯為行客鑑鬚眉遼東客去歸華表

續修廬州府志

卷十一

古蹟志

七

池底龍眠護葛陂留得遺基鄰古寺老僧指點索題詩

龍眠書院康熙志與金鷄明德二院並載學校

清心亭

元無名氏清心亭記縣治東城之上古有飛霞亭宋賢龍眠居士李公伯時隱居之所蘇文忠公嘗題詠其上羣山四合松柏鬱然實佳境也因扁今名亭下有池曰放生中有亭曰清心宋末兵燹池湮亭廢者百餘年矣至元庚辰令尹趙侯以斯亭歷年已久風雨圯毀秦定甲子大梁張君士舉適至主簿事得放生池殘碑於草莽中昇置亭上別蘇讀之載亭頗詳乃葺而新之而池亭未暇葺以歲丙寅口甯張侯來尹茲土公餘登覽斷碑訪龍眠舊隱求其池亭所在則荒池亭基延袤已為邑人所有者三之二侯召而諭之尋亦還官乃取斷碑補其闕文刻置飛霞亭上俾來者有所考焉其高風雅致亦可嘉尚也已想其當時田園館宇之盛詩書圖史之富既有以自適其適而此邦人士暨諸遊宦於斯者時來考德而問業何其盛耶願今田園亭池鞠為茂草使牧童樵子笑歌躑躅於其上甯非政之闕與謀復舊規未暇及之至元己卯歲稔時和與監縣太不花公子

安謀度興復雍蒿萊剪荆棘浚深池環池築堤以備
潦比於舊制加倍浮梁疊徑以達通衢乃庀土伐木
石陶甃構亭其上遂復清心之舊是役也無擾於民
尚華彩不築墻垣以竹柳為屏障飛甍重檐虛窗
招邀爽氣一碧如鏡諸君於簿書期會之暇公事
之餘招賢士大夫時一登臨談古今講道德訪求
蘇民瘼去吏弊敷善化仰觀羣山之環峙頰悅水
紫紆藻雪其胸臆滌蕩其念慮一毫物欲不以自
名斯亭也蓋取包孝肅公清心為治本之說豈徒
樂哉落成之日邑之諸父老請予文記之辭不獲
本末俾刻之石以告後之鳴琴者
嗣而葺之庶斯亭之不湮廢也

飛霞亭輿地紀勝飛霞亭在舒城乃李公麟隱居之所

蘇公軾曾為賦詩相傳軾為揭名今在尉廳開禧俶擾

亭觀皆廢獨此亭在焉康熙志下有放生池其旁為清

心亭

宋蘇軾題云樂天早退今安有摩詰長閑古亦無五畝
日栽池上竹十年空看輞川圖近聞陶令開三逕應許

續修廬州府志

卷十一

古蹟志

七

楊雄借一區晚歲與君同
活計如雲鵝鴨散平湖

璇淵館輿地紀勝璇淵館在舒城縣元符間李公麟作

記舊志按康熙志作璇源館咸豐三年冬呂文節公賢

基徐工部啟山殉難於此

徐工部題壁詩笑指璇源館清流付此身完忠今日事
逃賊又何人幸附名卿後同為殉國臣一亭標止水千

古蹟志

春暉堂康熙志在舒城縣

明宋濂春暉堂辭舒城胡君拱辰幼喪父而母夫人教
以儒家言積之既久遂能通其說發為辭章五色爛如
也上官才之辟為大府掾未幾淮西兵起乃負夫人逃
之江南雖艱難險阻莫不備嘗夫人安焉不異舒城時
蓋胡君能孝有以忘其勞也士大夫咸慕豔之胡君曰
是尚足謂之孝乎孟郊有云寸草之心豈能報三春之
暉乎此吾志之不能自己者也遂以春暉名堂金華宋
濂聞而善之為製辭一章夫人歲時坐堂上胡君奉觴

上壽而歌余辭焉庶使聞之者知孝思之無已乎其辭曰謂母如山兮山則有極謂母如海兮海亦可測母如白日兮行乎青天無物不春兮孰之敢京叶縱捐爾軀兮欲報母慈摩頂放踵兮亦親之遺終身之慕兮固曰能孝此惟其常兮匪異之道匪異之道兮何以報之天上地下兮茫無津涯有鳥畢逋兮翩翩西飛載瞻載依兮悠悠

我思

明劉基春暉堂詩母心如春暉兒心如小草鴻恩何以報之死矢相保元雲結秋陰野曠霜露早暄寒旦夕異搖落紛如掃歲月去悠悠行路漫漫浩浩惆悵如願違慷慨憂心擣夜深有慈烏飛集堂前棗一叫吻血紅再叫翅翎皓長吁向穹蒼欲怨不敢道

古金鷄墩江南通志金鷄墩在舒城縣西一里康熙志其下爲金鷄潭明秦莊簡公民悅曾構書院於此

主簿原康熙志詳見山川

避暑臺天下名勝志避暑臺魏武伐吳避暑休兵之處

續修廬州府志

卷十一

古蹟志

九

康熙志在廬江縣舊傳魏武行軍常避暑於臺之東北今城隍廟基

明錢念修詩久欲吞吳志未灰勞師冒暑築涼臺回看嶺斷楓殘處孰識當年歌舞來

吳王宮天下名勝志吳王宮在城東南紫芝坊內五代時楊行密之故宅後廢爲光化寺寺有金剛院院碑賈易之文也今名金剛寺

毛義隱處江南通志在廬江縣東北七十里毛公山有讀書洞縣志今毛公山洞廣九尺深三丈爲毛公讀書處石窻石榻猶存洞旁產白牡丹相傳公父母冬日思得此花公望天哀籲少頃遍山皆花

捧檄橋康熙志未詳其地臨仙橋改建時掘地得碑書

此三字舊志按今在廬江城東門外半里跨河水爲橋
旁有大碑題曰捧檄橋

南臺觀明崇禎志在南關外水簾洞南左慈故隱處今
廢爲倉及山川壇惟洞井無恙

釣魚臺天下名勝志引王象之云左慈垂釣處有石磯
磯有仙人迹江南通志在廬江縣南八里舊志按今縣
東南八里背山臨河有兩石磯相距里許相傳爲左元

放釣魚處

明潘謐詩巨石幾千古乃在潛溪曲奔蹙橫枕流勢若
鯨額突沙帶秋月明波連遠山綠一自嚴光去漁竿老
竹脩

擲盃閣天下名勝志魏志左慈在武帝坐以銅盤貯水

續修廬州府志

卷十一

古蹟志

三

持竹竿釣水中得四腮鱸帝命作鱠方須蜀薑慈請市
之帝難之曰到蜀可報前使買錦者增二十段曰諾後
買錦使回里以市薑日見慈始信爲然他日帝設鵝酒
飲慈慈抽簪畫杯酒爲之斷飲其半訖擲杯空中飛動
如鳥眾皆仰盼遂失慈所在今縣有擲杯橋本此康熙
志在南門外大觀書院內有左慈像今廢

陵亭太平寰宇記隋將麥鐵杖爲陳擒於此亭側

仙隱亭天下名勝志玉虛觀有水簾洞洞口有石傳聞
元放嘗叱石守之又有仙隱亭亭前有竹軒叢竹皆下
曲宋崇甯間邑宰張述來遊見而異之主者對曰昔左
真人仙去棄竹杖於此而竹生焉康熙志在水簾洞上

宋興隆二年知縣劉銑構以表左仙之迹亭久廢明成化七年曾見有石刻沉水中

崇明館康熙志在舊縣治南數十步宋知縣謝惟士併省以拓縣治後為儒學

歐冶子鑄劍處江南通志在縣東北二十里冶父山今為寺

半山亭康熙志在廬江黃銅山

明吳寬半山亭賦古縣西北有山巍然其名黃銅土人所傳即厚地而盤據豈區區之一拳上獨峯之秀拔倚霄漢而逗雲烟勢孤而無所附境異而孰可專有一隱翁爰宅其下以山為娛與山無忤振衣而長風生躡履而亂石度登頓折旋徙倚區附如孫登之嘯蘇門匪李白之夢仙姥忽焉而迷莫識其所深墮乎谷高蔽於鳩流或沂乎仙源響惟循乎樵斧縱獨遊而至此奚能記其步武於是手接飛鳥力當奔熊乃得盤石于人均可容

續修廬州府志

卷十一

古蹟志

三

於焉憇息釋我短筇仰而視之上若帡幪架壑者何有高維松維石可礎維松可棟我亭倏成陶匠何用隱然如環矯然如鳳排闥青青兩山自送詠荆公之佳句覺半山之我共也乃挹其旁有泉旋焉堰而蓄之可以溉田乃暇其下有溪注焉沿而行之可以遊船凡山之盛蓋已畢陳於後先矣於是子弟列侍設几張筵不謀而同更相進言由此而上以至於巔可以見百里之地可以見四面之山遠而魏武駐兵之處入審三峯翠色相連近而公麟龍眠之莊巖洞窈冥真可陋乎平泉而况黃陂汪汪築湖漣漣漁舟之所出沒界曠野而吞長天皆在目睫之內不出跬步之間何不據其上而得其全乎翁聞而歎曰言亦何怪吾惟至此而力已憊謝康樂之遊南山伐木通道而人為之驚韓昌黎之下華山懸梯接壁而事幾敗蓋履險者其足必危望遠者其神亦邁故意在平山水之外雖一邱一壑樂之終身而有餘意在平山水之內雖東循碣石西臨咸池而猶以為隘也皆應曰然稽首再拜老聃著止足之美孟子懲流連之害翁之教我語意已解散請書之以為樂山者之戒

魯班斗棋康熙志在冶父寺山門相傳魯班神造鳥雀一觸即返今亡

仰高堂方輿勝覽仰高堂在郡治米元章建并記後張孝祥題扁

寶晉齋方輿勝覽寶晉齋米元章建中藏晉人法帖明隆慶志在州治東有法書碑刻舊志按州治米公祠乾隆三十七年知州張僑摹刻陳洪綬拜石圖於祠中

羣山觀方輿勝覽羣山觀在漕廳之東遙揖江南繁昌鍾阜諸山州志宋寶元中運使張士元改為祠奉灌口李冰之神明洪武元年易名崇德觀今在小東門內

至游堂天下名勝志至游堂在無為州治內嘉祐中建宋楊傑詩人孰不好游外物常未備佳勝容山海紛拏樂朝市不知務內觀未得游之至達士靡闕曠天道已昭熾六合極周流萬化覽要會

續修廬州府志

卷十一

古蹟志

三

雲錦堂天下名勝志無為州治內有至游雲錦仰高三堂

桐軒天下名勝志桐軒在無為治

宋滿維端詩軒外梧桐碧兩行跳空闌檻枕西堂風條弄月搖窗幌露葉驚秋墜井牀靜想還思理琴瑟高吟惟恐引鸞凰誰憐不種朝陽地但愛清陰作晚涼

竹軒 一經堂 三思堂天下名勝志竹軒在無為州

漕廳一經堂三思堂在其左右

萬卷堂天下名勝志無為州羣山觀今為崇德觀在州

治東觀西有萬卷堂宋祥符中道士李景仙藏書兩監

多秘閣所無者後以一監進於朝

宋楊傑詩偃月仙翁化雨初玉京遙下紫雲車旌旛杳入三清路樓閣空遺萬卷書

南樓按方輿勝覽南樓引楊次公詩云此樓此景他州無山川形勢吞三吳一統志作九華樓詩見後

九華樓方輿勝覽九華樓在移風門上米元章建江南

九華諸山屹然相向

宋楊傑九華樓詩此樓此景他州無山川形勢吞三吳惟憑詩老寫奇勝縱有畫筆難工夫

又此樓此景他州無天高水濶連平蕪綠楊深處杏花發口暖數聲山鷓鴣

又此樓此景他州無闌干倚遍還躊躇主人有酒且共醉驪歌不用催行車

明遠樓方輿勝覽明遠樓在楚澤門郡守米元章所建

下臨百萬湖康熙志米元章題額

宋林逋詩掩映軍城隔水鄉人烟物色共蒼蒼酒家樓閣搖風旆茶客舟航簇雨檣殘笛遠砧聞野墅老苔寒

檣看僧房狎鷗更有西湖典珍重江頭白一行

續修廬州府志

卷十一

古蹟志

三

五雲閣康熙志在州城闔闔中五雲叟陳朋建朋號文

靖先生

聚山閣方輿勝覽聚山閣在郡圃北羣山橫列惟二山

為勝銀餅之深秀則喬松所居寶峯之壯嶮則吳魏之

所守也江南通志在無為州治宋米芾建舊志按康熙

志引阮美成記略與方輿勝覽同

西園方輿勝覽西園亭館為一郡之勝概

墨池方輿勝覽墨池在郡廳米元章所建江南通志在

無為州治宋米芾所鑿蛙聲聒人取片瓦濡墨書之投

諸池蛙鳴遂絕又大書墨池二字石刻今尚存

明趙範重修墨池記略郡治故有墨池公解後西北偏十數弓許乃宋熙豐知軍米公芾遺跡也公性好奇酷

嗜書政尚簡易每暇輒臨池上以揮洒自適謂漢揚子雲草太元常名所臨之池曰墨池乃手書墨池二大字紀其勝比南渡後此地燼於兵燹公所臨寶晉諸帖悉漫漶亡存獨墨池二字勒諸石亦頗刻缺嘉靖癸丑萬安朱君麟得之類垣下因完其壞樹公解後繼而進賢雷君夢麟移置池上池之北為瓶寶齋齋之前增椒一鑑亭仍顏其坊額周繚以垣軒楹廠豁林木虧蔽池之景於是復出矣顧歲久池隄之敗且半勢湫隘不可以瀦嚮所樹公手碑亦圯斜若將傾狀隆慶壬申余來守此郡因謀於僚友賓暘宋君少華唐君相與鳩工聚材重構而稍闕之池之隄更甃以石池之中為亭扇曰水心亭後駕小橋以濟其前又負士疊石為小山植公碑而砌馬方兩澤稍集池水溶漾與亭相掩映天光雲影上下一碧當瞻眺之頃遠近孤峯列嶂四望皆隱隱然若起若伏若趨若拱若沈若浮可盡得之於亭之中於池之上殆奇觀也志稱公知是軍時值歲有蝗災乃掠境而過禾稼無所傷其澤之在人今猶誦之又稱公常草書池上厭蛙聲不輟引硯投之蛙遂禁聲不復鳴此其事若涉神異而公之感人動物為可想見矣然則茲池也固遺迹之一而其流風餘韻與公俱存者獨茲池也哉朱君名體仁永嘉人唐君名虞烏程人俱捐俸繕事而長汀程果則樂觀厥成荏平蔣子繼先亦有

力焉時萬曆三年歲甲戌冬十二月

四望臺天下名勝志引方輿勝覽州治內四望臺英宗

時知軍滿維端建

宋滿維端四望臺詩登石層高暗綠苔茂林深處獨崔嵬花陰竹影重重見山色川光面面來通夜闌干隨月倚納涼窻戶趁風開躊躇躑躅目堪嗟賞倍費登高詠賦才

稻孫樓天下名勝志稻孫樓在大安門上米元章秋日

登樓燕集見田禾復青問諸老農曰稻孫也稻已穫得

雨復抽餘穗故青青如此公喜因以稻孫名樓

李孚青詩拜石人何在孤城氣逼秋郊原禾黍盡愁上稻孫樓

挹秀亭州志在錦繡溪中疑卽沂春亭

釋志亭

宋鍾文珍釋志亭記文武非二致也執斧斨者即製作
 禮樂之手卻萊夷者即從容杏壇之答問古人成童舞
 象已有事於武軍旅未學豈真未之學哉後世波而二
 之操三寸管者弗知韜畧臂二石弓者弗暇詩書談者
 且曰光嶽氣分天下無全才胡不觀射法亦曰人皆有
 力二石之外非常力也鄉射不講而諉之無全才甯不
 厚誣國朝自淳熙申習射之令內而成物外而費泮罔
 不祇承需須舊有射圃有士甲中間寢廢比歲以邊防
 宜密復締義甲為鄉非計而上操戈挾刃非宜攷藝觀
 德惟射有取願略而不講非缺典歟使君潼川吳先生
 建牙之初禮士如渴崇重風化一日語冷掾鍾文珍曰
 立義甲而不別士甲非所以重衣冠也爰命與寓公高
 郵司理張君應新糾倡三邑之士五為伍十為甲列籍
 而豈蔽以亭宇俾及時閑暇從容游習亭東向掛弓扶
 桑挹天地之仁氣也的西向飛鏃刻刻因天地之義氣
 也袂屬肩摩容止可觀揖升下飲進退有度庶幾相圃
 氣象由是月必一會酌有禮旌有儀觀德作興道器俱
 融德藝並進他日貢諸天子之庭而天子慶之建勳業
 於宇宙間文武挺特不朽必今日士甲中人也記曰射
 之為言釋也釋者各釋己之志也使君身涵菁莪之澤
 私淑章縫之教扁其亭曰釋志厥旨淵矣繼自今預是

甲者各釋桑蓬初志毋失正
 鵠釋云釋云弓矢云乎哉

偃月池康熙志在州治南每中秋夜月偃半輪今淤

三桂堂康熙志宋王之道兄之義弟之淵俱中甲科故
 名

漕臺明崇禎志稽古閣云軍學在漕臺東宋時設漕運
 司以轉江襄漕事

平山堂州志在儒學前紫芝山上宋時建

林泉書院明崇禎志在相山宋太師王之道讀書處

講書樓州志在城隍廟前宋謝枋得寓此州人作樓居

之

熙春園州志在州治東五雲閣

華林園州志在倉埠門接華林河二園宋王氏植花之所

度春園州志在南門外一字城宋劉氏植花之所

洗耳池明崇禎志在治東一里即飲牛池昔堯召許由

為九州長不欲聞乃洗耳於此巢父牽犢欲飲問其故

曰汙吾犢口牽牛上流而飲之江南通志在教場西

明宋朗洗耳池詩我愛枕流卧冷冷鐘磬音此中有真得應識許由心

孔子臺天下名勝志橐皋有孔子臺臺狀圓壇可容千

人近臺有聽書港

明葛遇朝聽書港詩山城百里水千瀦洙泗源流匯一渠沅芷湘蘭公子恨金和玉節聖人居當年郢曲誇高

唱異日緇帷笑老漁澄碧更看長夜月望洋莫漫測方諸

續修廬州府志

卷十一

古蹟志

三

回車巷明崇禎志在治西北十五里相傳孔子至此回

車

浮邱釣石康熙志在巢縣濡須口為浮邱公釣處水濱

一大石如棋枰上鐫四字三面巉巖環繞若假山然

明辛承祚浮邱釣臺記予家浮邱釣臺畔憑弔俯仰殆

終吾生以徜徉也臺踞中流怪石齧波峭者如壁蹲者

如虎近水一石方廣平坦可跌坐疑即垂竿處也舊鐫

有浮邱釣石四字微曰蘇翁題未敢蘇翁何人鐫名何

年歲久字磨滅幾半余鐫之使深其中似有詩句或激

湍盪去未可知也臺前賈船漁舟往來不絕臺後烟村

古木環遶可觀七寶數峯拊其背亞父旗鼓諸山當其面左右平疇如繡委折而下有龜山寺溯流而上有慈雲閣皆與此臺映帶焉公之流連於此宜也予曾以公故實詢之客鮮有應者嘗讀綱目注云周靈王時有近侍受秩浮邱伯與王子喬友善後導喬入嵩山學道不知所終又古有云浮邱公不使相鶴九方臯不使相馬安得有衝霄之姿與絕塵之足以此觀之子喬浮邱相與把臂烟水雲山中皆飄飄乎仙侶也然則相鶴之浮

邱公即受秩之浮邱伯無疑矣予自明末乙酉歲拂袖歸里時登此臺箕踞濯足俯鑑顛霜種種竊愧此空洞一片石清漣一帶水也浮邱公有靈笑我哉偶乘月扣舷而歌得古詩一章

亞父故居天下名勝志縣志范亞父故居江南通志在巢縣東北二十里亞父山舊志按寰宇記云巢縣東十里亞父山即范增所居則在縣治非也

亞父井史記項羽本紀正義皇覽曰居巢廷中有亞父井吏民皆祭亞父於居巢廷上長吏初視事皆祭然後從政更造祠於郭東至今祠之太平寰宇記按古今葬地記云亞父冢在巢縣郭東有亭亭中有井謂之亞父井明崇禎志井在縣廳後舊志按此則亞父井有二一在縣署一在郭東

續修廬州府志

卷十一

古蹟志

七

明汪文兆亞父遺井詩咸陽秦帝初失鹿紛紛豪傑爭馳逐卿子冠軍雷不行帳前流血萬人驚范增當日爲謀主趙魏燕齊不足數鴻門屬意在沛公此日天與何不取老臣骸骨歸山阿漢人滅楚無幾何悲涼往事如流電人世幾回朝野變范家故址桀王城春去秋來百草生山前古井今猶在蕭索空傳亞父名

八公昇天處康熙志在巢縣見山川一統志云八公山上淮王廟今屬巢縣列仙傳云淮南王好神仙秘法鴻寶之道忽有八公鬚眉皓白詣門請見閻人曰吾王好長生先生無駐衰術未敢聞八公咸變成童後白日上昇遺藥在器鷄犬舐之皆得仙去

鑊里江南通志鑊里在巢縣西北濱焦湖吳太平二年孫琳拒諸葛誕於壽春大發兵出屯鑊里帝亮責琳雷湖中不上屯一步者是也

姚農村康熙志在巢縣青龍湯山橫山之間四山回合
爲原田晉永和八年姚襄來降九年屯歷陽故萇駐帥
於此

劉知幾書院康熙志見山川縣學其故居也

抱書橋天下名勝志宋縣人呂士元學問該博元祐丙
寅立十科舉士法士元上書懇切後累試不第憤曰當
今蔡確章惇爲政吾輩老困田園於世無補至東山橋

抱所著書自溺

揚子芳重修抱書橋碑記橋名抱書以宋呂士元名之
也士元負經濟才讀古人書見聖賢心慨然以天下爲
已任當紹聖之年蔡確蔡卞呂惠卿章惇用事忠義激
烈走都門詣闕上書痛陳時弊諸姦抑之不得進悲忠
讜之弗達恨懷抱之不伸歸而憤曰當今四害不除民
患日深吾生亂世宜濟時艱且讀書將以行道救民而

續修廬州府志

卷十一

古蹟志

天

今坐視阨危余不忍此態安用生爲又昨所上書皆當
世急務而全軀保妻子者且非而笑之已矣吾將與之
俱盡因抱其所上書與所讀書至橋上自投於河以死
後人思之因名其橋曰抱書云橋去邑不三里當東南
孔道向有僧募石甃治廢六十年矣康熙六年僧某重
建落成復於其旁爲菴爲亭行旅往來咸甚便之夫士
元不忍見生民之困厄至憤嫉自沈此與屈子行吟汨
羅賈生痛哭至長沙不食以死其心一也屈賈言行見
於當世後之人傳而悲之呂生之言行未著而獨識之
於一橋巢人知之天下未盡知之然過者稱名攷實猶
可想見其遠風餘烈橋于占士元千古矣爰勒石而係
之銘曰入之於書其文視呂生於書性命以以書名橋
書不沒書不沒兮生不死天空雲淨月在水光燦晃豈
誰能比巢由高風難繼美千古常存有呂子各於心地
無纖滓以躬道蹈仁止顛隳
莫救不忍視豈獨魯連天下士